

**ORDENANZA FISCAL REGULADORA DA TAXA POR UTILIZACIÓN PRIVATIVA
OU APROVEITAMENTO ESPECIAL DO SOLO, SUBSOLO E VOO DAS VIAS
PÚBLICAS MUNICIPAIS A FAVOR DE EMPRESAS EXPLOTADORAS DE
SERVIZOS DE SUBMINISTRO**

ARTIGO 1.- FUNDAMENTO E NATUREZA

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, Reguladora das Bases de Réxime Local, de conformidade co disposto nos artigos 15 a 1, 20 e 57 do RDL 2/2004, de 5 de marzo, polo que se aproba o Texto Refundido da Lei Reguladora das Facendas Locais, este Concello establece a taxa por ocupación de subsolo, solo e voo da vía pública en favor de empresas explotadoras de servizos de subministro que resulten de interés xeral ou afecten á xeralidade ou a unha parte importante do vecindario, que se rexerá pola presente ordenanza.

ARTIGO 2.- FEITO IMPOÑIBLE

1.- Constitúe o feito imponible desta taxa, a utilización privativa ou/e o aproveitamento especial do dominio público municipal constituído pola ocupación do subsolo, solo e voo da vía pública ou terreos públicos en favor de empresas explotadoras de servizos de subministro que resulten de interés xeral ou afecten á xeralidade ou a unha parte importante do vecindario.

2.- A taxa regulada nesta Ordenanza esixible ás empresas ou entidades a que se refire o artigo 3 seguinte, é compatible co Imposto de Construcións, Instalacións e Obras e con outras taxas establecidas ou que poda establecer o Concello pola prestación de servizos ou realización de actividades de competencia local das que as meritadas empresas podan ser obrigados tributarios.

3.- Caso de que o aproveitamento especial ou a utilización privativa do dominio público local comportase destrución ou deterioro do mesmo, o obrigado tributario estará obrigado, con independencia da taxa que proceda no seu caso, a aboar o custo total dos gastos de reconstrución ou reparación que procedan. Se os danos resulten irreparables, deberá indemnizarse ao Concello na contía do valor dos bens danados ou do deterioro producido.

ARTIGO 3.- OBRIGADO TRIBUTARIO

Son obrigados tributarios as persoas físicas ou xurídicas ou entidades a que se refiren os artigos 35 e 36 da Lei 58/2003, de 17 de decembro, Xeral Tributaria titulares das empresas explotadoras de servizos que resulten de interés xeral ou afecten á xeralidade ou a unha parte importante do vecindario e utilicen privativamente o solo, subsolo ou voo da vía pública municipal, con independencia do seu carácter público ou privado, tanto se son propietarias das redes a través das que se efectúa o subministro

como se, non sendo titulares de ditas redes, o son dos dereitos de uso, acceso ou interconexión das mesmas.

A estes efectos incluíranse entre as empresas explotadoras de ditos servizos as empresas distribuidoras e comercializadoras destes, excepciónándose deste réxime os servizos de telefonía móbil.

ARTIGO 4.- RESPONSABLES

Aos efectos de recoñecer ós responsables solidarios e subsidiarios da obriga tributaria, estarase ó disposto no establecido na Sección 3ª do Capítulo II do Título II da Lei 58/2003, de 17 de decembro, Xeral Tributaria.

ARTIGO 5.- DEVENGO

1.- A taxa devengarase cando se inicie o uso privativo ou o aproveitamento especial do dominio público local necesario para a prestación do subministro.

2.- Cando o uso privativo ou o aproveitamento especial se prolongue a varios exercicios , o devengo da taxa terá lugar a 1 de xaneiro de cada ano. Neste suposto o período impositivo comprenderá o ano natural, podendo prorratearse as cuotas por trimestres naturais.

ARTIGO 6.- EXENCIÓNS E BONIFICACIÓNS

Non se concederá exención ou bonificación ningunha nos importes das cuotas tributarias a non ser que veñan recollidas en normas con rango de lei ou derivadas da aplicación de Tratados Internacionais.

ARTIGO 7.- BASE IMPOÑIBLE E LIQUIDABLE

A base imponible estará constituída pola cifra de ingresos brutos procedentes da facturación que obteña anualmente o obrigado tributario no termo municipal. A estes efectos, terán a consideración de ingresos brutos procedentes da facturación obtida no territorio municipal, os obtidos como consecuencia das subministracións realizadas aos usuarios, incluíndo os procedentes do aluguer e conservación de equipos ou instalacións propiedade das empresas ou dos usuarios, utilizados na prestación dos referidos servizos. Asímesmo, deberán ser incluídos na facturación os importes de todos os subministros efectuados aos usuarios no término municipal de Xove aínda cando as instalacións establecidas para realizar un subministro en concreto estean situadas fóra de dito término ou non transcorran, en todo ou en parte, pola vía pública.

As empresas que empreguen redes alleas para efectuar os subministros deducirán dos seus ingresos brutos de facturación as cantidades satisfeitas a outras empresas en concepto de acceso ou interconexión ás súas redes. As empresas titulares de tales redes deberán computar as cantidades percibidas por tal concepto entre os seus ingresos brutos de facturación.

ARTIGO 8.- CUOTA TRIBUTARIA

A contía da taxa determinarase aplicando o 1,5% sobre a base imponible definida no artigo 7.

ARTIGO 9.- NORMAS DE XESTIÓN

A administración municipal practicará liquidacións trimestrais en base ás declaracións presentadas polo obrigado tributario correspondente ou coa periodicidade convida co suxeito pasivo da taxa, ao amparo do previsto no artigo 27.2 do RDL 2/2004, de 5 de marzo.

As empresas que utilicen redes alleas deberán de acreditar a cantidade satisfeita ao propietario da rede aos efectos de xustificar a minoración de ingresos a que se refire o artigo 7 da presente Ordenanza.

O periodo de pago á o establecido no artigo 62.2 da Lei 58/2003, de 17 de decembro, Xeral Tributaria.

ARTIGO 10.- INFRACCIÓNS E SANCIÓN

Polo que respecta ás infraccións e sancións tributarias que en relación á taxa regulada nesta Ordenanza resultasen procedentes, estarase ao previsto na Lei Xeral Tributaria e demais normativa aplicable.

DISPOSICION FINAL

A presente Ordenanza entrará en vigor no momento da súa publicación no BOP continuando a súa vixencia en tanto non se acorde a súa modificación ou derogación expresas, e comezará a alicarse no trimestre natural seguinte.

A entrada en vigor e comenzo de aplicación desta ordenanza suporá a derogación expresa da Ordenanza reguladora da Taxa por ocupación do solo, subsolo e voo de terreos de uso público local, aprobadas por acordo plenario de 18 de novembro de 1998 así como da Ordenanza reguladora da Taxa por ocupación do solo, subsolo e voo da vía pública a favor de empresas explotadoras de servizos de subministro de enerxía eléctrica, aprobada por acordo do Concello Pleno de 18 de agosto de 2009.

B.O.P. nº 136 de 16 de xuño de 2016